



[VIDEO ETO](#)

Morarano Chrome, 16 Febroary 2023. Nisy fahagagana kely no niseho tamin'io andro io sy tamin'io toerana io. Eny tokoa. Satria rehefa nandalo tao amina mpiasan'ny orinasa KRAOMA ny Filoham-pirenena, Andry Rajoelina, dia nijanona ary nitafa tamin'ny solontenan'ireo mpiasa efa very fanahy mbola velona noho ny nafitsok'ilay Tale jeneraly tsy mba nitsinjo azy ireo fa nandraoka aza no nataony. Tantara mipetraka izany fa aleho tantaraina anareo ny resaka nifanaovan'ny Filoha Rajoelina sy ilay solontenan'ny mpiasan'ny KRAOMA, orinasa nikatso tanteraka nanomboka ny taona 2019.



Ny Filoha Rajoelina : « Ny Kraoma ? Efa mitady vahaolana isika. Efa eo an-dalàn'ny famitana ny fifanarahana vaovao. Io mantsy, namidin'ny fitondrana teo aloha. Eo isika... Fa izaho tena mitsinjo anareo. Ka hitady vahaolana hafahana anampiana anareo ».

Solontenan'ny mpiasa : « Izay mihitsy no tadiavin'ny olona any (TTF : Brieville).. Eo amin'ilay sosialy, satria tsy mihinan-kanina ny olona any Fa mino ny fitondram-panjakana ary ianao tena hahavita izay (TTF : ny famahana ny olonan'ireo mpiasa) ».



Ny Filoha Rajoelina : « Inona no andrasanareo aminay izany izao ? ».

Solontenan'ny mpiasa : « Eo amin'ny sakafo... Na vary tsy misy, tsy mihinan-kanina ara-batikeny ny olona any. Ny karama (koa) raha mba misy azo atao...Nisy fifampiresahana tamin'ny Governora satria misy kraoma azo amidy anie... Mahatoka anao izahay, Prezidà... ».



Ny Filoha Rajoelina : Andraso fa ho jeren-tsika izany fa mahatokisa ahy. Amin'ny zavatra lavitr'ezaka efa misy olona handray an'io (TTF : ny orinasa Kraoma), orinasa matanjaka handray an'io. Efa vita tamin'ny herinandro ny fifanarahana. Fa ny sosialy, andraso fa ny PCA

alefako any aminareo amin'ny herinandro ».

Solontenan'ny mpiasa : « Misaotra indrindra, Tompoko, mankasitraka betsaka ».




Teo amin'ny iray minitra mahery telo polo segondra io fiahonana io fa nafonja dia nafonja ny fanontaniana sy ny valiny.

F'inona moa no nahatonga izao olana be ara-soasialy mianjady amin'ireo mpiasan'ny KRAOMA ireo ?

Morarano Chrome. Ny zava-nisy tamin'io 16 Febroary 2023 nitafan'ny Filoham-pirenena, Andry Rajoelina, tamin'ireo solontenan'ny mpiasa ao amin'ny Kraoma any Brieville dia tsy hita tany an-toerana ny Tale jeneraly, Nirina Rakotomanantsoa. Torak'izany koa ny Solombavambahoaka, Ratsimanosika Alexandre Zozo, izay malaza ratsy eo anivon'ny mponina any fa mpiray tendro amin'ny dahalo... Nefa anie 87 km eo ho eo no mampizaraka an'i Brieville sy Morarano Chrome e ! Dia tsy fantany mialoha tokoa ve fa ho avy ny filoham-pirenena ? Sa mahana toa ny mpanao ratsy rehetra ? Asa lahy...

TANTARAN'NY KRAOMA S.A FOHIFOHY





Rajaona miorina amin'ny filoha Rajoelina ary tao amin'ny Foiben'ny KRAOMA ao Ampefiloha Antananarivo



Iza-marina moa ity Nirina Rakotomanantsoa ity ?

Directeur général

KRAOMA sa

Feb 2019 - Present 4 years 1 month

Antananarivo

Contribution à l'IEM par les ressources minières pour le développement de Madagascar

- **Conseiller spécial en charge du développement rural et de la sécurité**
Primature, République de Madagascar

2018 - Present 5 years

- **Représentant de Madagascar parmi les 12 pays membres**
PAESFA - Pan African Ethanol Stoves and Fuel Alliance

2018 - Present 5 years

- **Conseiller technique au cabinet militaire**
Primature, République de Madagascar

Jan 2015 - Jul 2015 7 months

Mahazoarivo

Appui à la consolidation de la sécurité sous tous ses aspects

- **Conseiller supérieur de la Magistrature**
Membre représentant de la société civile

Dec 2011 - Jan 2014 2 years 2 months

Présidence de la République

Appui à l'instauration de l'Indépendance de la justice - Orientation et appui à la gestion de la carrière des magistrats

- **Membre de la Cellule Technique**
DSRP (Département de la Stratégie pour la Réduction de la Pauvreté)

Feb 2003 - Feb 2007 4 years 1 month

Par rapport à la vision : Madagascar naturellement, 1) Appui à la définition des objectifs de développement du gouvernement,

- 2) Appréciation des plans d'actions et,
- 3) Suivi et évaluation des réalisations.

- **Coordinateur général des projets**
Ministère de l'Agriculture, de l'Élevage et des Pêches

Jul 2002 - Feb 2004 1 year 8 months

Programmation des activités et synchronisation des actions pour l'atteinte des objectifs du ministère

Education

- **Ecole Supérieure Polytechnique, Université de Madagascar**
Diplôme d'Etudes Spécialisées Sécurisation Foncière et Aménagement des espaces ruraux et urbains

2006 - 2008

Mahavariana ô ? Tena be diplaoma tokoa ny lehilahy, saingy... Impiry ireo mpiasa ao no nitaraina moa fa dia jadona sy ramatahora ny setriny. Natao daholo ny fomba nanakanana ireo mpiasa tsy ho afaka mifandray amin'ny Filoha Rajoelina. Vitany hatramin'ny nandraoka ny mpiasa amin'ny antony tena mahamanetra. Fa naverin'ny fitondram-panjakana eo amin'ny toerana daholo ireo mpiasa ireo, eny na dia tsy nandray karama nandritan'ny volana maro dia maro...Natao anolotra hevitra sy soson-kevitra ingahy Nirina Rakotomanantsoa fa tsy natao hitarika olona.Eto aho dia manontany tena amin'ny anjaran'ny PCA ("Président du Conseil d'administration") na koa Filohan'ny Filan-kevim-pitantanana. Iza io izao ? Ny tadidiko dia ny volana Febroary 2021 dia Andriamatoa Onjaniaina Dina Andriamaholy no PCA-ny KRAOMA. Nefa koa toa SGPA ao amin'ny Presidansy. Tsy fantatra intsony ity fa izay e : tsy nisy niaro mihitsy ireo mpiasa ireo. Izay no marina

Ary eto Madagasikara moa rehefa be diplaoma dia heverina foana fa manana "*expériences*" amin'izay asa anendrena azy ny olona iray. Fahadisoana tanteraka izany raha ny "*scandales*" niseho ary mbola miseho hatramin'izao... Vao azo ilay toerana dia lasa olon-kafa tsy azo atonina intsony fa manambony tena manambony ny hafa, indrindra ireo "*namana*" taloha... Asa loatra.

Misy fetrany sy fotoanany anefa ny zava-drehetra ka dia miandry izay ho tohiny isika taorian'ny fihaonan'ny Filoham-pirenena Andry Rajoelina tamin'ny mpiasan'ity KRAOMA natao fanahy iniana nopotehina noho ny tombontsoa manokana lavitry ny fitiavan-tanindrazana.

Ary dia tantara mitohy izany.

Jeannot Ramambazafy